

## গণ-শত্রু

সৈয়দ হাবিবুর রহমান

২য় পর্ব

"তসলিমা নাসরীনের কল্লার দাম ৫০ হাজার টাকা, জিন্দা অথবা মুর্দা"  
(মৌলানা হাবিবুর রহমান, আমীর, খেলাফতে মজলিস, বাংলাদেশ)।

"যদি বাংলাদেশে ইসলামী শাসন কায়েম করতে পারি, ডঃ আহমেদ শরীফের মত মুরতাদদেরকে কেটে টুকরো টুকরো করে বঙ্গোপসাগরে ভাসিয়ে দেবো ইনশাআল্লাহ্"। (মৌলানা দেলওয়ার হোসেন সাজ্জদী, তফসির মহফিল, সিলেট আলীয়া মাদ্রাসা প্রাঙ্গন, ১৯৮১)

\*\*\*\*\*

"ইসলাম শান্তির ধর্ম, কেউ না মানলে তাকে খুন করতে হবে এমনটি ইসলাম সমর্থন করেনা" (ইলিয়া ইরানী, তিন্ম-মত)।

ইলিয়া ইরানী এর পরে কি লিখবেন, ইসলাম কত প্রকার ও কি কি ?

"সাদ্দাম হোসেন ও বিন-লাদেনের সাথে ইসলামের কোন সম্পর্ক নেই"।

এ কথা কোন্‌দিন থেকে বলা শুরু করেছেন? তাদের পতনের পর থেকে?

"ইসলাম সম্পর্কে সবাই যে ভুলটি করে থাকে, তা হলো মুসলমানদের কৃতকার্যকে ইসলামের নামে প্রচার করা। একজন খৃষ্টান চুরি করলে তার মানে নয় খৃষ্টান ধর্ম চুরির ধর্ম"।

কার সাথে কার তুলনা করছেন, ভেবে দেখেছেন? ইংরেজরা ঝাড়ু মেরে ধর্মকে বিদায় করেছে বহু আগেই সমাজ, রাষ্ট্র ও প্রশাসন থেকে। Paul Daniel (ইংলেন্ডের বিখ্যাত ম্যাজিসিয়ান) Sunday News of the World প্রত্নিকায় বলেছিলেন 'সেকালে যীশু যা করতেন তা ছিল খুব ই সস্তা ধরনের ম্যাজিক'। কোন খৃষ্টান ধর্ম-যাজক কারো হাতে চাপাতি তোলে দেননি Paul কে হত্যা করার জন্য। কল্পনা করতে পারেন কোন গীর্জার পাদ্রী খোলা ময়দানে ইংলেন্ডের কোন বুদ্ধিজীবির মাথার দাম ৫০০ পাউন্ড বলার সাহস করতে পারবে?

\*\*\*\*\*

"এরই মধ্যে দেখতে পাচ্ছি তসলিমা নাসরীনের উগ্র নারীবাদ জায়েজ করার জন্যে কিছু লোক উঠে-পড়ে লেগেছেন। তসলিমা সম্পূর্ণরূপে একজন মুসলিম বিদ্বেষী।"

(মোস্তুফা কামাল, সদালাপ)

জনাব কামাল সাহেব, মুক্ত-মনা, মানবতাবাদী, যুক্তিবাদী কোন মানুষ ই মুসলিম বিদ্বৈষী হতে পারেনা। কেউ যদি জাত, বর্ণ, ধর্মের তুলনায় মানুষকে বিবেচনা করে সে আর যা-ই হউক মুক্ত-মনা নয়। তসলিমা মুসলিম অথবা পুরুষ বিদ্বৈষী নন। ইসলাম ও পুরুষ তন্ত্রের অমানবিক দিক গুলো কলম দিয়ে ভুক্তভোগী সমাজের সামনে তুলে ধরেছেন মাত্র। যা হুমায়ুন আযাদ করতে গিয়ে মৃত্যুর মুখোমুখি হলেন। আপনার লেখায় হুমায়ুন আযাদের প্রতি সহানুভূতি আর তসলিমার প্রতি ঘৃণা লিঙ্গভেদের কারণ নয় কি?

*"মাথায় অসুখ হলে মাথা কেটে ফেলার মাধ্যমে সমস্যার সমাধান সম্ভব হয়না।"*

মাথা বলতে কাদেরকে ইঙ্গিত করছেন দয়া করে বলবেন কি? আমি মূর্খ মনে করি শরীরের কোন অঙ্গ যদি ক্যানসারে আক্রান্ত হয় তা কেটে ফেলে দেয়া ই ভালো, অন্যতায় সমস্ত শরীরটাই আক্রান্ত হয়ে যাবে। অবশ্য শরীর বলতে আমি দেশ মনে করে নিয়েছি আর তালেবানদেরকে মাথা মনে করিনা।

*"জনাব আযাদের হামলার উচ্চিনায় ঢালাওভাবে ইসলামের বিরুদ্ধে বিদ্বৈষমূলক মন্তব্য করা থেকে বিরত থাকুন। কারণ তা নাহলে দেশে অশান্তি সৃষ্টি হবে, সকল সেকুলারবাদীরা বার্থ হবে এবং দেশ তালেবান ষ্টাইলে চলে যাবে।"*

আপনার ভবিষ্যত বানী শুনে ভয়ে বুকটা কাঁপছে বইকি। হুমায়ুন আযাদ বলেছেন

*'আমাকে কে হত্যা করতে চেয়েছিল দেলওয়ার হোসেন সাঈদীকে জিজ্ঞাসা*

*করে'।* একটা কথা সবিনয়ে জিজ্ঞেস করি, মনে করুন উপরোল্লিখিত

মোলানাডয়ের (হাবিবুর রহমান ও সাঈদী) প্ররোচনায়, ইহলোকে ৫০ হাজার

টাকা ও পরলোকে স্বর্গসুখের লোভে একজন গরীব, ক্ষুধার্থ অনাহারী তসলিমার

কল্লাটা কেটে ধরা পড়ে গেল, তাকে শাস্তি দেয়া হলো, এদেশ থেকে কি আদৌ

কোনদিন কল্লা কাটাকাটি বন্ধ হবে?

আজ এ পর্যন্ত -চলবে

